

**«ՄՇԱԿՈՒՅԹԻ ԶԱՐԳԱՑՈՒՄ. ԿԱՐՈՂՈՒԹՅՈՒՆՆԵՐԻ ՀՈՐԱՑՈՒՄ և
ՀԱՄԱԳՈՐԾԱԿՑՈՒԹՅԱՆ ԽԹԱՆՈՒՄ ԶԱՐԵՆՑԱՎԱՆՈՒՄ»
ԾՐԱԳՐԻ ԻՐԱԿԱՆԱՑՄԱՆ**

ՀԱՄԱՁԱՅՆԱԳԻՐ N1

Չարենցավան

01/03/2024թ.

Սույն Համաձայնագիրը կնքվում է «Չարենցավանի համայնքապետարանի աշխատակազմ» համայնքային կառավարչական հիմնարկի («Չարենցավանի համայնքապետարանի») (ՀՎՀՀ՝ 03022497), ի դեմս՝ Չարենցավան համայնքի ղեկավար Հակոբ Շահգալոյանի (այսուհետ՝ «Համակարգող»), մի կողմից, և Հայաստանի Հանրապետության Կոտայքի մարզի Չարենցավան համայնքի Չարենցավան քաղաքի «Արամ Խաչատրյանի անվան մանկական երաժշտական դպրոց» համայնքային ոչ առևտրային կազմակերպության (ՀՈԱԿ) (ՀՎՀՀ՝ 02800812), ի դեմս ՀՈԱԿ-ի տնօրեն Վահագն Մարգարյանի (այսուհետ՝ «Իրականացնող»), մյուս կողմից, միջև, **«Մշակույթի զարգացում. կարողությունների հզորացում և համագործակցության խթանում Չարենցավանում»** ծրագրի շրջանակներում («Ծրագիր»), հիմնական դրամաշնորհատու Գյոթե Ինստիտուտի (Goethe-Institut e.V.) («Պատվիրատու») և Չարենցավանի համայնքապետարանի միջև կնքված թիվ **EU315** դրամաշնորհային պայմանագրի (Հավելված IV) հիման վրա, որն ստորագրվել է ԵՄ Ֆինանսավորմամբ իրականացվող EU4Culture նախագծի՝ Առաջարկների Սահմանափակ Կանչի շրջանակներում, Չարենցավանի մշակութային զարգացման ռազմավարության (ՄՁՌ) իրականացմանն աջակցության նպատակով, հիմք ընդունելով Չարենցավան համայնքի ավագանու 15 փետրվարի 2024 թվականի **N 18-Ա** որոշումը (Հավելված V)՝ ծրագրի իրականացումը վերոհիշյալ ՀՈԱԿ-ին պատվիրակելու մասին:

Կողմերը եկան համաձայնության հետևյալի մասին.

ՀՈԴՎԱԾ 1 Համաձայնագրի նպատակը և ընդհանուր դրույթները

- 1.1 Սույն Համաձայնագրի նպատակն է սահմանել «Մշակույթի զարգացում. կարողությունների հզորացում և համագործակցության խթանում Չարենցավանում» ծրագրի իրականացման ընթացակարգերը:
- 1.2 Սույն Համաձայնագիրը կարգավորում է Համակարգողի և Իրականացնողի միջև հարաբերությունները, ինչպես նաև՝ Ծրագրին նրանց մասնակցության վերաբերյալ իրավունքներն ու պարտավորությունները:
- 1.3 Սույն Համաձայնագրի առարկան և դրան ուղղված հայտադիմումը մանրամասն նկարագրված են Հավելված I-ում և Հավելված II-ում, որոնք սույն Համաձայնագրի այլ հավելվածների հետ կազմում են պայմանագրի անբաժանելի մասը:
- 1.4 Սույն փաստաթղթի և իր հավելվածների միջև հակասությունների դեպքում, գերակշռում է սույն Համաձայնագրի բովանդակությունը:

ՀՈԴՎԱԾ 2 Համաձայնագրի տևողությունը

2.1. Ծրագրի մեկնարկի ամսաթիվը 2024թ. մարտի 1-ն է, ինչպես սահմանված է Պատվիրատուի հետ վերոհիշյալ դրամաշնորհային պայմանագրում, որը համարվում է սույն Համաձայնագրի անբաժանելի մասը:

2.2. Ծրագրի իրականացման տևողությունը 4 (չորս) ամիս է, ինչպես սահմանված է դրամաշնորհային պայմանագրում:

2.3. Սույն Համաձայնագիրը ուժի մեջ է մտնում երկու կողմերի կողմից վերջին ստորագրման օրվանից և ավարտվում է սույն Համաձայնագրի 2.2 կետում նշված ժամկետի ավարտից հետո, մինչև սույն Համաձայնագրով ստանձնած պարտավորությունների ամբողջությամբ կատարումը:

2.4. Սույն Համաձայնագիրը առանց առարկության կրադարեցվի՝ Համակարգողի կողմից Պատվիրատուի հետ վերոհիշյալ դրամաշնորհային պայմանագրի դադարեցման դեպքում:

ՀՈԴՎԱԾ 3 Դերեր և պարտականություններ

3.1. Իրականացնողը պարտավոր է.

ա) իրականացնել Ծրագիրը, գործի դնելով բոլոր անհրաժեշտ և հնարավոր միջոցները՝ ապահովելով Ծրագրի իրականացումը՝ Հավելված II-ում սահմանված Ծրագրի նկարագրության և սույն Համաձայնագրի ժամկետների և պայմանների համաձայն,

բ) պահպանել բյուջեով մանրամասն սահմանված դրույթները (Հավելված III), հիմք ընդունելով թույլատրելի ծախսերի սահմանումը վերոհիշյալ դրամաշնորհային պայմանագրի Հոդված 5-ում,

գ) իրականացնել Ծրագիրը պատասխանատվությամբ, արդյունավետությամբ, թափանցիկությամբ և ջանասիրությամբ, ֆինանսական կայուն կառավարման սկզբունքին և ոլորտում ունեցած լավագույն փորձին համապատասխան,

դ) Պատվիրատուին տրամադրել բովանդակային (նարատիվ) և ֆինանսական հաշվետվություններ՝ վերոհիշյալ դրամաշնորհային պայմանագրի 5-րդ և 6-րդ հավելվածների ժամկետներին և ձևաչափին համապատասխան, համաձայն վերոհիշյալ դրամաշնորհային պայմանագրի արժույթի և լեզվի,

ե) ապահովել հաշվետու ժամանակահատվածում Ծրագրի իրականացման վերաբերյալ ամբողջական հաղորդակցություն, ներառյալ՝ համապատասխան հրապարակումներ, մամուլի հաղորդագրություններ և թարմացումներ,

զ) Համակարգողին փոխանցել սույն Համաձայնագրով և հավելվածներով պահանջվող տեղեկատվություն և/կամ փաստաթղթեր՝ աուդիտի, ստուգումների, մոնիթորինգի և գնահատման համար, ինչպես նկարագրված է վերոհիշյալ դրամաշնորհային պայմանագրի Հոդված 6-ում,

է) ձեռք բերել համապատասխան ներքին պայմանավորվածություններ Պատվիրատուի հետ՝ սույն Համաձայնագրի շուրջ ներքին համագործակցության և ներկայացուցչության համար, որոնք համահունչ են սույն Համաձայնագրի դրույթներին և կիրառելի օրենսդրությանը համապատասխան:

3.2. Համակարգողը պարտավոր է.

- ա) վերահսկել, որ ապահովվի Ծրագրի պատշաճ իրականացումը՝ համաձայն սույն Համաձայնագրով սահմանված դրույթների,
- բ) կողմերի անունից հանդիսանալ Պատվիրատուի վճարումների միակ ստացողը, և ապահովել, որ համապատասխան վճարումները կատարվեն Իրականացնողին առանց անհիմն հետաձգման,
- գ) համաֆինանսավորել Ծրագիրը՝ բյուջեի ամբողջական գումարի և Պատվիրատուի կողմից նախապես փոխանցվող գումարի տարբերության չափով, վերադարձի պայմանով,
- դ) հավաքել, դասակարգել վերոհիշյալ դրամաշնորհային պայմանագրի շրջանակներում անհրաժեշտ տեղեկությունները և սահմանված կարգով փոխանցել Պատվիրատուին,
- ե) տեղեկացնել Պատվիրատուին Իրականացնողի իրավական, ֆինանսական, տեխնիկական, կազմակերպչական, ինչպես նաև կողմերից որևէ մեկի անվան, հասցեի կամ օրինական ներկայացուցչի փոփոխությունների մասին,
- զ) Պատվիրատուի կողմից Ծրագրի աուդիտի, ստուգումների, մշտադիտարկման և գնահատման ժամանակ պատասխանատու լինել անհրաժեշտ փաստաթղթերի ներկայացման համար՝ ինչպես նկարագրված է վերոհիշյալ դրամաշնորհային պայմանագրի Հոդված 6-ում:

ՀՈԴՎԱԾ 4 Ֆինանսավորում

4.1. Սույն Համաձայնագրի գինը սահմանվում է **30000** Եվրոյին համարժեք ՀՀ դրամ (Պատվիրատուի կողմից կանխավճարի փոխանցման պահի փոխարժեքով), որը համապատասխանում է սույն Համաձայնագրի անբաժանելի մասը հանդիսացող՝ վերոհիշյալ դրամաշնորհային պայմանագրի բյուջեի համապատասխան տողերով նախատեսված չափին (Հավելված III):

4.2. Համակարգողը միջոցները կփոխանցի Իրականացնողին հետևյալ կարգով. Պատվիրատուի կողմից կանխավճարին (նախաֆինանսավորմանը) կավելացնի համաֆինանսավորում վերադարձի պայմանով՝ վերոհիշյալ դրամաշնորհային պայմանագրի բյուջեի գումարից պակասող չափով, և կփոխանցի Իրականացնողին, Պատվիրատուի կողմից փոխանցված գումարի ստացումից հետո՝ 7 (յոթ) օրացուցային օրվա ընթացքում:

4.3. Գումարի՝ բանկային հաշվին նստելուց հետո Իրականացնողը պարտավոր է 3 օրվա ընթացքում հաստատել գումարը ստանալու փաստը:

ՀՈԴՎԱԾ 5 Տեսանելիություն

5.1. Իրականացնողը պետք է ձեռնարկի բոլոր անհրաժեշտ քայլերը հանրայնացնելու այն փաստը, որ Ծրագիրը ֆինանսավորվում կամ համաֆինանսավորվում է Եվրոպական Միության կողմից EU4Culture նախագծի շրջանակներում: Նման միջոցառումները պետք է համապատասխանեն EU4Culture նախագծի հաղորդակցման և տեսանելիության պահանջներին: